

Vujmingz Daibingz Cin Ciet Swnjcienz Vwnzva Bouxcuengh:

Baijyienj Fungcingz Vwnzva Bouxcuengh

武鸣县太平镇壮族文化传承节：展示壮族文化风情



▲ Hekgviq haeuj hagdangz, angqyangz caemh gvaq ciet. Cunghyangh Minzcuz Yijvwnz Fanhyizgiz Dangvejij fusuhgi, fugizcangj Ahlizmuz·Sahbijdz(gvaz 2)、Swcigih Minzijvejij fucujyin Vangz Cenzcungh(gvaz 3) daengj lingjdauj bae daengz hozdung yienhciengz.



▲ Lingjdauj gwnz daiz biengj cih fuk, yienhciengz gyukgyad angqyangz raeuh.



▲ Aen doihfwenleux Bingzgoj Yen, caemh daengz yienhciengz dem angqyangz.

Bonjbauq siusik (gicej Vangz Sinhyungz) Haeuj hah va hai angj, raeuz sim' angq dakdaih; ngoenzneix hekgviq lai, fwen roedraih rwenzchap. 5 nyied 9 hauh banhaet, Bi 2013 Vujmingz Yen Daibingz Cin Ciet Swnjcienz Vwnzva Bouxcuengh youq ndaw cin neix Gingloz Siujyoz hoengh banh. 120 lai baux daibauy dauj Namzningz camgya Guekgya Minzvejij Hong Vah Saw Minzcuz Codanzvei haenx ganj bae daengz yienhciengz, caeuq baenz fanh baux hek daj ndaw gih gak dieg dauj haenx nem ganbu ginzung dangdieg angqvauvau dwk yawjngonz vwnzyi byaujyenj, camgya gak cungj vwnzdij hozdung, nauhyied raixcaix.

Baez hozdung neix miz eu fwen, yienj heiq conzdungj Bouxcuengh daengj vwnzyi byaujyenj, miz dwkgyangq, dwkdomq, ringx hongxdiet daengj minzcuz diyyuz doxdax, miz yienhciengz duk faengx, naengj haeuxnaengj haj

saek, guenq saejmou daengj gigwn daegsaek Bouxcuengh, lij baijyienj daem rongraeu, muh haeuxyangz, gonh raemx daengj doenghgij ciengzmienh guhhong gaeuqgeq neix, hawj gyoengq hekgviq roxyiuj vwnzva Bouxcuengh goek laeg rag raez, lai cungj lai yiengh.



▲ Hagseng baijyienj daem rongraeu, vunzraeu raen le ngeix doenghbaez.



▲ Hagseng Gingloz angq diuq foux, vwnzva Bouxcuengh daihdaih cienz.

Lozyez: Ranznden Doxhuz Lumj Ranz Ndeu

乐业：邻里和谐一家亲



yienh' ok aen fungheiq minzcuz doxgiet, ranznden doxhuz, saedceij vuenyungz ndaw mbanj haenx. Ndaw mbanj miz geij bak vunz dauj camgya hozdung, doengzseiz fat 500 lai faenh《Minzcuz Cwngcwz Fazgveih》caeuq《Giva Senglwg Cwngcwz》senhconz swlhliu hawj gyoengq vunzlai.

(Yangz Swngciz Cinz Cunhveih)

Mboengq gonq, Lozyez Yen Dungz-loz Cin Mbanj-daemzbya gawjbanh "Ranznden Doxhuz Lumj Ranz Ndeu" hozdung, doeng-gvaq guh ciengj dap minzcuz cwngcwz cihsiz, dauq hozbit, song vunz sam ga byaij, guhduenz daengj hozdung,

Laebhah Gvaq Le Hongnaz Nyaengq

立夏过后农事忙



▲ Liujcwngz Yen Gujcai Mulaujcu Yangh Mbanj-lungzmeij nungzminz nyaengq ndaem naz.

► Doenghnaz Gujcai Mulaujcu Yangh Mbanjlungzmeij gvangq-gum gvangqlangh.

Daj laebhah le, gih raeuz gak dieg lajmbanj hongnaz engqgya nyaengq lo. Youq lajmbanj Liujcwngz Yen, aenvih diegde dienheiq nyinhdumz, raemxfwn cuk, gyoengq nungzminz youq ndaw naz ndaw reih nyaengq guh hongnaz foenfoen, bauxboux cungj maqmuengh youq ndaw bi neix gohaeux ndaej fungsou.

(Dwng Gwzyiz)

